



ExLibris *



PROFESSOR J. S. WILL



Library of the University of Toronto





DOVBLE DE LA

RESPONCE DE LA

ROYNE REGENTE, MERE

DV ROY, A LA LETTRE ES CRIte à la Majesté, par Monseigneur le Prince de Codé, le dixneusiesme de Feurier 1614.



A MONTAVBAN,

Par DENIS HAVLTIN.
Suiuant la coppie imprimée à Paris, chez F.
Morel & P. Mettayer, Imprimeurs & Libraires ordinaires du Roy.

M. D. C. XIIII. Auec Prinilege de sa Maiesté.





DOVBLE DE LA

RESPONCE DE LA REYNE Regente, Mere du Roy, à la lettre escrite à sa Maiesté, par Monsieur le Prince de Condé, le dix-neusiesme de Feurier, 1614.



On Nepueu, Vostre lettre escrite à Mezieres le dix-neusiesme de ce mois, m'a estépresentée le vingt-vniesme. Elle cotient plusieurs chefs, ausquels je voulois attendre à respondre particulierement lors que les Estats generaux du Royaume seroyent assemblez, puis que le Roy,

Monsieur mon fils, & moy auions ja arresté par l'aduis des Princes & Officiers de la Couronne, & autres principaux Conseillers du Roy, mondit Sieur & fils, qui sont auprez de nous, d'en faire la conuocation, dont nous auions donné aduis par les Prouinces deuant la reception de vostre dicte lettre, comme vous eussiez appris de mon Cousin le Duc de Ventadour, & du Sieur de Boissize, que j'auois depeschez vers vous, si vous ne fussiez parti de vostre maison de Chasteauroux pour passer en Champagne, comme vous auez faict (fans nous en donner aduis) au mesme temps qu'ils s'acheminoyent à vous. Ou si despuis vous leur eussiez mandé approuuer qu'ils fussent allez ou vous estez. comme ils s'y sont offerts par leurs lettres, qui vous ont esté portées par homme exprez. l'ay eu à plaisir de cognoistre par la lecteure de vostre dite lettre, que vous approuuez ladite assemblée: car c'est un bon remede pour pouruoir aux desordres que vous dites auoir cours

i ij

dedans le Royaume: C'est aussi celuy qui a toussours esté plus estime & desiré de moy, & duquel je faisois bien estat d'yser à l'entrée de la majorité du Roy, mondis Sieur & sils, pour luy representer en vne si notable compagnie le passé de ma Regence, l'informer du present, & mieux reigler tontes choies pour l'aduenir, que je n'ay peu faire, à mon grand regret, durant mon administration. Mais comme despuis vous auez envoyé vne copie de ladite lettre à Mes-fieurs de la Cour de Parlement de ceste ville, j'ay creu que vous la diuulgueriez encores par toutes les autres compagnies & Prouinces du Royaume, pour, en mesme temps, descrier par tout, comme il semble que vous pretendez faire icy, la direction & conduicte des affaires publicques auprés de moy, à mon desaduantage: Car les plaintes que vous faictes des desordres que vous attribuez à ceux qui seruent le Roy auprez de moy, s'adressent plus à moy qu'à eux. C'est vn artifice dont on vse a poste, pour donner aux subjects du Roy vne mauuaise odeur & impression de mes actions. C'est pourquoy j'ay bien voulu, en attendant la tenue desdits Estats generaux, que j'aduanceray tant que je pourray, vous faire sçauoir, par aduance, ce qui est contenu en la presente. le commanceray docques par vous dire, mon Nepueu que vous, & toute la France, estez obligés, quoy, que vous puissiez dire. & publier au contraire, de recognoifire, & confessei que le Royaume a par la singuliere grace de Dieu, & l'assistance que j'ay receuë des gens de bien, joui en ma Regence, contre l'opinion commune, d'un repos general, & plus entier, que nous n'eussions osé esperer, aprés auoir perdu le feu Roy, mon Seigneur, que Dieu absolue (la seule presence duquel contenoit toutes sortes de personnes, en deuoir; & obesssance) dont je ne puis louer assez sa bonté, & prouidence diuine, & ses bons François, de toutes qualitez, qui ont, en cela, sidellement serui le Roy, mondit Sieur & fils, au grand besoin que j'en ay eu: car chacun a sceu & veu quelles ont esté mes peines, mes combats & mes continuels travaux pour maintenir la tranquilité publique, qui est encores maintenant enviée & trop rudement & ouvertement assaille par ceux qui deuroyent moins le saire. Ils ont commencé dés le sacre du Roy, mon-

dit Sieur & fils, ont despuis continué, comme ils font encores, par l'ordre, & direction d'vn mesme Conseil: l'aduone libremér auoir quelques fois eu recours à des moyés peu conuenables à la dégnité du Roy, mondit Sieur & fils, pour contenir & retenir en deuoir les autheurs' de telles trauerses mais je l'ay fait pour esuiter pis. Ce qui a estésoutét aussi mal recognu, qu'il est a present mal interpreté par ceux mésmes qui en ont prostité. C'est la cause principale des despences que vous nommez à present produgalitez, que la recessité du Royaume a extoronces de moy, contre que la necessité du Royaume a extorquées de moy, contre ma propre volonté, & qui neussent en lieu, si vous m'eussiez aussi assiduellement sortifice de vostre assistance, que je l'ay desirée, & vous ay donné occasion de faire par l'entiere & honorable part que vous auez toussours eue en la coduicte des affaires, par preference à toutes autres, comme il est deub à vostre qualité: Mais ie ne puis que je ne me plaigne à vous, dequoy vous auez laissé couler, & passer quatre années de ma Regence, saus m'auoir aduertie des maluersations sur lesquelles vous fondez vostre mescontentement, Carsi vous me les eussiez descounertes, j'y eusse apporté l'ordre necessaire pour lebien du Royaume, auquel vous auez norable interest: Fellement qu'il semble que l'on ait voulu exprés faire vn amas de telles plaintes, (qui sont toutesfois autant imaginaires que peu veritables,) pour donner pretexte aux factions, & mouuemens qui menacent le Royaume de desolation, ou dissipation, au lieu d'voe reformation que vous dites rechercher. A quoy je voy, auec desplaisir, que l'on vous engage contre vostre volonté: Car vous aucz vn interest si remarquable, de conferuer ceste Couronne entiere, & en felicité, que je ne veux point douter que vostre intention ne tende à toute autre chose: Mais pour y paruenir plus honorablement, & vtile-ment; vous ne deuiez vous esloigner de moy, ny commencer par former vne societé qui en engendrera d'autres. Car toutes diuissons, & partialitez en vn Royaume sont de tresdaugereuse consequence. Tant s'en saut que j'en aye approuué vne seule, que je les ay toutes detestées, principalement si tost que je me suis apperceuë que l'on vouloit sen seruir, plus pour aduantager les particuliers, que pour bien

A iij,

faire au seruice du Roy: Au contraire, j'ay tousiours desiré, comme je fais encores, de moyennet de tout mon pouvoir, vne bonne intelligence entre tous les Princes, Officiers de la Couronne, & les autres Seigneurs du Royaume. Mais j'y ay tousiours esté trauersée, & empeschée par les mesmes inuentions, & artifices de ceux qui fomentent encores à present celle qui se presente. Et toutes sois ils osent encores imputer aux conseils que j'ay suiuis, les sactiós que je condamne, dequoy j'ay souuent saict plainte à ceux que j'ay estimez y pouuoir apporter quelque remede: Si j'ay commandé l'observatio exacte des Edicts saicts par le seu Roy, pour asseurer la paix du Royaume, ainsi que j'ay souuent fait. & reiteré auec grand soin, assection, & sinceriré. L'on a publié que je faisois tels comandemens si precis, exprez pour mieux surprendre ceux de la Religion pretenduë reformée. qui sy endormiroyent. Et sest on seruy, pour les ombraget dauantage, des alliances que nous auons traictées du costé d'Espagne, comme si elles estoyent basties exprez contr'eux & leur a on aussi celé, ou desguisé à mesme fin, celle que nous traictions à present en Angleterre, par vostre aduis, de laquelle mon Cousin le Duc de Boüillon a esté le prin-cipal entremetteur. D'aillieurs, si quelques sois j'ay vse d'indulgence à l'endroit d'aucuns de ladite Religion, aprés auoir commis quelques excez contre la justice, la raison,& les dicts, ils ont blasmé ma tolerance,& patiance, l'ont descriée, & interpretée à mauuaise fin. Et toutes sois il est certain, si vous auez esté auprez de moy, quand tels accidens sont arriuez, n auoir en tels cas, ny autres qui-ont concerné le public, rien ordonné à vostre desçeu. Telles per-fonnes eussent peut estre desiré que j'eusse vé de plus gra-de seuerité en telles rencontres, tant par vengeance parti-culiere, que pour engendrer noise, ennuyez de la durée de la concorde & paix du Royaume. Que n'a il esté tenté, & inuenté pour exciter des mescontétemens, former des paretialitez & factions, émouuoir les peuples à fedition par di-uers moyens, par gens impatiens de voir croistre le Roy, auec son aage, en jugement, courage, & en la cognoissance du bien, & du mal qu'il reçoit de ses seruiteurs, & subjects. Tels offices ont esté faicts curieusement, pour, en trauer7

fant la conduite des affaires publicques, establir celles des particuliers: Et tout ainfi que j'ay trauaillé fincerement à maintenir la paix du Royaume, en faisant exactement obferuer & executer lesdits Edicts; Ie n'ay pas est! moins sonsederez de la Couronne, tellement que j'en ay plustost accreu, que diminué le nombre : Veritablement j'ay preferé ladite alliance d'Espagne à celle de Sauoye. Mais je n'ay rien faict en cela que le feu Roy (Monseigneur) n'eust faict lors que Dom Petro de Toledo vint vers luy de la part du Roy d'Espagne, s'il luy en eust faict l'ouuerture, comme il l'aduis de feu mon Cousin le Compte de Soissons qui estoit aupres du Roy, quand la premiere proposition en sut faite, laquelle vous fust communiquée par moy, & par ledit Compte, à vostre retour de Guyenne, & fust des-lors approuuée de vous, comme de luy, & de tous ceux qui en eu-rent cognoissance, comme vtile, bien proportionnée à l'âge & à la grandeur du Roy Et puis affermer n'auoir efté poufsée à ceste preference par defaut d'affection, & bonne volonté enuers mon frere le Duc de Sauoye, & sa maison, ny à autres fins que la consideration du merite d'vne telle alliance, & de l'affermissement de la paix entre ces deux Rois, vtile à la chrestienté. & plus necessaire à l'Estat present des affaires du Royaume, qu'en autre saison. Dequoy ledit Duc de Bouillon fust chargé d'esclaircir le Roy de la grand Bretagne, où le Roy & moy, l'enuoyasmes exprez pour faire cest office, qui fut rendu. semblable en mesme temps aux autres Princes, Potentats, & alliez de ceste Couronne, qui ont tous monstré les auoir reçeus en bonne part : Ie diray dauantage, que les motifs de Conseil qui en fut lors pris, n'ont este moins confiderables pour ledit Duc de Sauoye, & ses Estats, que pour la France, Vous en sçauez les raisos come moy. Mais tels blasment à present lesdits conseils, & mariages, qui ne feroiet, peut estre, cosciéce de se preualoir, au deseduarage du Roy, mondit Sieur & fils, & du repos de la France, d'vne mauuaise intelligence entre ces deux Rois. C'est pourquoy ils vsent encores à present de toutes sortes d'artisices. & de diligences pour en retarder l'execution,

en intention de les rompre du tout, s'ils le pevuent faire. Mais j'espere que nous sçaurons bien y remedier, auec lai-de de Dieu, qui sauoriteia, s'il luy plaist, nos sinceres intentions, qui n'ont autre but que de procurer le bien du Royaume, auec le contentement particulier du Roy, & le bien de ma fille aisnée, tout ainsi que j'espere faire pour la fecode, du cotté d'Angleterre, dequoy vous ne faites mention par vottre dite lettie, cela nuiroit auffi aux desseins de ceux qui vous conseillent : l'espere de sortir amiablement à l'honneur du Roy, & au bien, & contentement de ses subjects, des differens de Nauarre, mesmes deuant que nous passions outre ausdits mariages, sinon, j'auray tel soin de conseruer, en ceste occasion, les droicts. les limittes, & la reputation de la rance, que ceux qui nous accusent de n'en auoi le soin que j'en dois auoir, auront occasion de s'en de dire, & de retrancher de leurs plaintes celles qu'ils fondent sur ce suject. Mais quoy? Ils voudroient desia nous voir aux prises, & aux armes auec le Roy d Espagne, pour s'en preualoir en leurs imaginations : Tant s'en faut aussi que l'on aye sujet de se plaindre de l'assistance du Roy, mon dit Sieur & fils, & de la mienne, aux affaires du Montferrat, que l'attendois des louanges, & des remerciemens du soin que j'en ay eu, Car il est notoire à tous, si mon Nepueu le Cardinal Duc de Mantoue (que j'affectionne beaucoup, auec toute sa maison, à cause de son affectio enuers la France, & de nostre proximité) jouit à present de quelque alle-gement en ses affaires, il doit estre atrribué au secours, & aux offices de vraye amitié, que le Roy, mondit Sieur & fils, & moy, luy auons departis en ceste necessité, l'esquels nous aurons tousiours à plaisir de luy continuer, autant que les affaires du Royaume nous le permettront. Car je suis obligée, comme vous sçauez, de preferer celle-cy à toutes autres, dequoy si j'vsois autrement, vous me blacmeriez auec raison le premier:comme je ne puis faire affez ceux qui reprennent, ou condamnent les deuoirs qui ont esté faicts pour faire considerer & posser, comme il con-uient, les raisons qui importent à la France, sur la nouuelle poursuite des Veniciens, pour le renouuellement de leur alliance, auec les Ligues Grises, dignement representées parl'Am-

par l'Ambassadeur du Roy, qui reside ausdites Ligues, de-uant que d'y engager le nom, & la reputation du Roy: Cofiderez je vous prie, à quels termes de mescognoissance enuers le bien public du Roy aume, les passions prinées desuoyent ceux qui blasment nostre conduicte en ce fait Car ils veulent que je passe par dessus toutes sortes de raisons, & confiderations, quelques importantes qu'elles soyent au Roy & au Royaume pour suure leurs opinions, soit pour flatter ladite republique, ou pour auoit sujet de somenter & accroiftre d'auantage la desfion e desdites alliances d'Espagne, comme si la scule consideration des interests d'Espagne, nous retenoit de contenter ladite republique, & fauoriser ladite alliance, chose qui est tres eslognée de la verité. Mais il ne faut que lire les depeiches de nostre Ambassadeur, & se resouvenir des accidens survenus à ceste nation Grisonne, après la premiere Ligue de Venne, pour condemner la plaincte que l'on fait de ma conduite, en cecy. Ladite premiere Ligue fur veritablement fauori-sée par le feu Roy. Mais il s'en repentit assez quand il vid qu'elle preiudicioit à la sienne (qui couste cher à la Frace.) & auoit plongé ceste nation en des confusions & calamites tres grandes, dont la memoire leur est tous les jours rafraischie quand ils jettent les yeux sur le fort de Fuentes, basty à la frontiere de leur pays, aprés que ladite Ligue de Venise sust faite, & à l'occasion d'icelle. Et neantmoins comme le Roy, mondit Sieur & fils & moy, desirons grangrandement fauoriser ladite republique, à l'imitation du feu Roy, & de ses predecesseurs. Nous auons ordonné que les capitulations de leur premiere alliace, soient veuz pour retrancher & reformer celles qui peuuent nuire & affoiblir celle de France. Dequoy l'Ambassadeur de la seigneurie doit conserer auec ceux du Conseil du Roy. Ceste procedure ne peut estre justement reptile & blasmée, Mon Neuueu, que par ceux qui cherchent querelle & preferent leurs passions au bien de la France: mais qu'y a il que l'on n'in-uente & que l'on ne publie pour d'escrier ma Regence, & les seruiteurs du Roy qui trauaillent journellement auprés de moy, pour s'aquitter sidellement de leurs charges. Nous

voyons clairement que l'on s'adresse à eux, pour en espar-

В

gnant mon nom en papier, faire tomber sur moy par essect, les reproches dot l'on les charge. Tant y a que personne ne peut nier que le Royaume ne jouysse à present d'une selicité plus digne d'admiration, & partant d'honneur & de l'ouange pour ceux qui seruent, que d'aucun reproche Ce font gens vieillis dedans les affaires publiques & les charges qu'ils exercent: Si le soing qu'ils y employét auec beau-coup de fidelité, d'enuie & de labeur, doit estre baptisé du tiltre d'embition & conuoitise de gouuerner, j'aduouë qu'ils sont coulpables. En tout cas, mon Nepueu, les faufautes sont personnelles. Si aucun d'eux s'est tant oublié que de manquer au deuoit de sa charge, & mesmes à vous seruir, j'entends plustost le condemner que de l'excuser. Mais je say qu'ils en ont vsé autrement, & que vous auez plus de sujet de vous louër de l'honneur qu'ils vous ont toufiours rendu, & du service qu'ils vous ont faid auprez du Roy & de moy, & au public, que vous n'auez de les tenir pour tels que vous les depeignez,& neantmois je veux me plaindre à vous de vous estre par trop diffié de vostre creance, & puissance enuers moy, & de mon assection en-uers vous, d'auoir laissé passer tant de temps depuis ma Regence, sans m'auoir descouuert leurs deportemens, si vous les auez recognus preiudiciables au public : Car j'y eusse pourueu par vostre bon aduis, & me promets tant de la reuerence qu'ils portent à mes volontez, & à vostre personne, que seulement pour nous complaire, & se descharger du fardeau qu'ils supportent, & contenter le public, ils au-royent librement eux mesmes remis leurs charges en ma disposition, au premier signe qu'il en eussent reçeu de moy, comme ils m'ont particulierement & publiquement decla-ré sur vostre dite plainte, qu'ils sont encores prests à faire à la premiere semonce qui leur en sera faicte de ma part. Pareillement ma condition seroit bien dure, & mon pouuoir restreint, s'il ne mestoit loisible de remunerer de biens, & d'honnenr, (fans faire preiudice au Roy, ny au public) vne longue seruitude accompagnée d'vne fidelité esprouuée? Voudriez vous estre reduit à tels termes pour ceux qui vous seruent? Vous nous auez bien sait cognoistre que vos pretentions & intentions sont bien eslognées de

ceste restrinction, laquelle aussi doit estre jugée de vous peu equirable pour les autres Semblablement je recognois que le Roy euft esté mieux seruy, si nous eussions reiglé vn Conseil pour les affaires d'Estat, composé seulement de vous & des autres Princes, auec les Officiers de la Couronne. Mais qui a plus defiré cela, & qui y a plus trauaillé que moy, à quoy veritablement j'ay esté mal assistée de tous. Et toutes sois maintenant vous vous seruez de ce sujet & de la confusion dudit Conseil, pour descrier les seruiteurs du Roy & le gouuernement. Seroit-ce pas vn grad honneur & aduantage, & vne pareille descharge pour ceux qui les manient, à cause de leurs offices, si les depesches à mesure qu'elles sont receues, & que les responses sont ordonnées & dressées, elles estoyent leuës en vn Conseil reiglé & coposé de personnes de telle qualité. Pour le moins leur labeur & leur diligence, auec leur suffisance, seroient mieux cognus, & toutes choses seroient veritablement mieux ordonnées. Vous deuez vous souuenir que voyant que je ne pouuois paruenir à la reduction, & reformation dudit Conseil, par faute d'assistance, i'auois trouué bon que ceux qui ont les charges des depesches & des finances vous veisset par sois en vostre maison, & receussent vos aduis sur icelles, pour les me representer, pour vous tesmoigner l'estime que je faits de vous, & ma consience en tou-tes choses: mais vous vous estes plustost lassé de cest ordre que vous n'auez faict paroiftre d'en desirer la continuation. Outre cela, on a vouleu yous faire trouuer mauuaise mon entrée au Conseil des affaires des Prouinces, comme si ma presence deuoit y estre incompatible auec la vostre, & en quelque sorte retrancher le respect qui vous est deu, chose veritablement qui seroit aduenuë contre mo intention; l'aduouë bien d'estre tres jalouse du bien des affaires du Roy. Mais de qui dois-je esperer d'estre mieux fecondée en cela que de vous, estant ce que vous estes?Or mon Nepueu, pour bien faire au public, vous deuiez demeurer aupres du Roy, & de moy, vostre qualité de premier Prince du sang vous eut donné toute creance & authorité pour estre ouy, & creu, sans autre assistance que de la justice, & de la verité de vostre remonstrance, vous cussiez

B ij

cogneu & esprouué par vrays effects, que mon affection enuers le public surmonte de beaucoup celle que je rends aux particuliers de toutes qualitez. Vous m'eussiez trouuée tres desireuse de la conuocation, & du remede desdits Estats generaux pour estre tenus en la forme ancienne, en laquelle chacun trouuera la seureté & liberté qu'il conuient pour y comparoistre; & y bien seruir le Roy, & le. public, touz la protection de son authorité souveraine, & de la justice, telle qu'elle doit estre attendue, & desirée de tous. Mais prenez garde que sous pretexte de la demande, que l'on vous fa et faire en termes generaux de rendre lesdits Estats, seurs & libres, l'on ne minute & projecte defia des d'fficultez pour éluder & aneantir ladite assemblée, & en auorter le fruict deuant sa naissance au preiudice du public, contre vottre attente, & vostre proposition. Ceux qui auscient ce dessein estimeroiet neantmoins de n'auoir peu gagné, en faueur de leur party, d'auoir par anticipation seme dedan- les esprits des hommes, l'esperance de ladite assemble , fondée sur ladite reformation, quand bien elle deuroit aprés tourner en fumés, pour renuerser sur les autres vn mescontentement general de l'interruption d'i-celle, duquel ils seroient neantmoins seuls causes. Ce que vous m'auez mandé auoir esté deliberé icy d'arrester la personne dudit Duc de Bouillon, me donne ce soupçon: Car comme tel aduis est imaginaire, faux & plein d'artisce, procedant d'une prosonde malice, je ne puis que je n'apprehende dés à present la rencontre à l'aduenir de seblables ruzes & inuentions, mesmes lors qu'il faudra donner entre à ladite assemblée d'Estats, Partant vous y auiserez, & y pouruoirez de bonne heure. Mais je ne puis bonnement croire que mon Cousin le Duc de Longueuille ayt rapporté que je luy aye refusé d'aller à son gouvernement, bien l'auoys je moy mesine prié d'attendre quelques jours à partir, pour resoudre auec luy les Estats des garnisons,& fortifications des places dudit pays, en la forme accoustumée, à quov il enst trouvé à redire, & à seplaindre, sij'y eusse touche sans luy, De sorte que i'ay bien plus grande, & jutte cause de me douloir de luy, dequoy m'ayant, apres diuerses instances, faict asseurer qu'il me donneroit ce de13

lay, il s'est descrobé de nous à heure indue, pour tesmoigner à tout le monde la messiance qu'il a de ma foy, laquelle n'a toutes sois eucores defailly à personne viuante, graces à Dieu. Ce proceder fuit cause, que m'ayant esté rapporté que le Duc de Vendosme auoit longuement conferé auec ledit Duc de Longueuille, le mesme jour de son depart, Ioint les diuers, & frequents aduis qui m'estoyent donnez, des preparatifs qu'ils faisoit, pour, à son imitation, se desrober. le pris Conseil (meuë du soin que je veux auoir de sa fortune & de sa reputation, pour le respect que je dois, & veux rendre toure ma vie à la memoire du feu Roy, modet seigneur) de le faire retenir en sa chambre, dedans le Louvie, non à autre fin, que pour le garentir d'vne desobe-issance, en laquelle je le voyois prest à se precipiter: ce qu'il a mal recogneu Et veritablement sa faute, & mescognoissance en cela-est plus blasmable en luy qu'en vn autre: Vous en içauez les raitons, que vous auez quelquesfois employées pour l'accuser, & le reprendre: Mais c'estoit lors que ledit Duc anoit recours à d'autres qu'à vous, pour estre supporté en ses jeuneises. Quand a la Citadele de Bourg, comme elle auoit esté bastie par seu Monsieur de Sauoye, exprés pour nuire à la France, elle a esté rasee depuis, pour en asseurer la conservation. L'argent qui a esté employé pour recompenser les services, & les merites du sieur de Boisse, qui v commandoit, n'incommodera point le Roy, mais plustost soulagera ses sinances: Car ce n'est qu'vne aduence qui sera bien tost recompensée par l'espargne de la garnison qui y seruoit, laquelle montoit par année beaucoup: de façon que ce Conseil qui a esté approuué de plusieurs, sera veile à la France: Yout ainsi que l'argent employé pour retirer le Chasteau d'Amboise des mains de celuy qui le gardoit, le sera aux villes assises sur la Riuiere de Loire, qui ont receu, auec le pays, de grandes incommoditez durant la guerre par la garnison qui y estoit. C'à esté donques pour mettre ledit pays en seureté, tirer de crainte les habitans d'icelluy, que ladite recompence à esté donnée. Mon Nepueu, il est facile de descrier les actions de ceux qui manient les affaires publiquess le nombre des mal-contens & envieux du bien d'autruy est grand : le

iii

desir de ceux qui s'ennuyent du repos n'est pas moindre. Et combien que despuis le trespas du seu Roy j'aye sauorifé l'ordre Ecclesiastique, celuy de la Noblesse, & faict soulager le peuple tant qu'il m'a esté possible: Toutes sois il semble, par vostre dite lettre, que vous pretendez leur faire croire qu'ils ont esté, & sont mal traittez. Si cotre mo esperance, & la raison, aucuns d'eux se laissent aller à telles inductions & persuasions, ils esprouueront bien tost aprés par experience, & par effects, qu'ils auront empiré leur condition. I'ay en toutes choses suiuy les traces du feu Roy, mondit Seigneur, en leus endroit, pour leur bien faire: l'ay distribué des graces parmy les deux premiers Estats, auec soin & jugement, bien marrie de ne les auoir peu traittet mieux. Tant y a que les gens d'Eglise ont exercé leurs fonctions, & jouy de leurs benefices en toute liberté & seureté. Plus grand nombre de Gentils-hommes de qualité, dedans les Prouinces, ont esté gratifiez & fauorisez par moy, que du temps du feu Roy: Plus de compagnies de gens d'armes entretenues. Quand à la vente & charté des offices, & des charges de la maison du Roy, & des prouinces, elle n'a esté introduicte de mon temps, je recognois & ressents les maux qui en procedent : C'est pourquoy j'ay recherché & tenté les moyens de retrancher & faire cesser la cause principale desdit excez Aucunes compagnies souueraines s'y sont opposees, qui sont d'ailleurs pleines d'affection & de zele aubien public. Leurs raisons qui ont esté balancées au poids de l'interest particulier, ont pour ceste fois, & én ceste occasion, esté approuuées, non de ma volonté, mais par necessité. L'espere que nous pouruoirons à ce desordre, qui n'est des moins dommagables à l'Estat, par l'aduis, & auec l'aide desdits Estats generaux. le ne diray rien des autres, car je n'en ay cognoissance que par la plaincte generale que vous en faictes: Mais je sçay bien que plus de personnes de tous estats ont beaucoup plus de fujet de se louer de leur condition presente, que ne voudroyent ceux qui les veulent rendre mal contens par defsein, & par force. Plusieurs se lamentent & font bruict de certaines commissions extraordinaires, & des impositions du sel, qui sçauent bien que lesdites impositions ont esté moderées depuis ma Regence, & la plus grande patrie defdites commissions, reuoquees. Ils forment telles plainctes, & les jettent aux yeux d'vn chacun, plus pour les esblouir & acquerir creance, que pour soin & intention qu'ils ayét de les en soulager. C'est pour fortisser leurs cabales, & tou-tes sois j'espere que les plus sages se garderont bien de chopper codtre ceste pierre, la memoire des playes, des miseres & calamitez passes prouennes des guerres ciuiles, est encores trop fraische, & viue dedans les cœurs, & les biens d'vn chacun: En tout cas, je ne doute point que ceux qui se laisseront surprendre aux esperances d'vne pretendue reformation, & d'vn soulagement public, par telles voyes, ne s'en repentent bien tost. Les Ecclesiastiques cognoistront par la suite de semblables amorces, qu'elles ne sont proposées que pour auancer la ruine & desolation de leur ordre, auec la Religion Catholique. Mais sur quoy est fondée vostre plainte qui regarde la Sorbonne ? L'on a semé à poste dedans ce College venerable la discorde, pour former vn schisme, non seulement en ceste compagnie, mais en toute l'Eglise Catholique de ce Royaume: L'y ay opposé & employé l'authorité du Roy & la mienne, non pour nourrir leur diuisson, mais par bonnes remonstraces & exhortations, la composer, & en empescher le cours: qui a-il à redire & reprendre en ceste procedure? autres ne peuuent la trouuer mauuaise, que ceux qui pretendent profiter de ladite dinisson, comme trop souvent il on faict de celles qu'ils ont introduites & espandues par tout où ils ont esté escoutez. Au contraire d'eux, j'ay soigneusement combatu & trauaillé en tous lieux, pour composer lesdites diuisions à mesure qu'elles sont venues à ma cognoissance. & sçay que ceux qui nous accusent de les auoir entretenues, sont eux qui les ont formees, & en forgent encores de nouuelles journellement, autant parmy les subjects du Roy, qui font profession de la Religion pretendüe reformée (que l'on m'a miustement attribuées) qu'à l'endroit des Catholiques, sans en cela espargner les Princes & les grands du Royaume, en leurs propres maisons & samilles: dequoy vous & ceux qui vous assistent ne demeurerez log temps sans yous ressentir vous mesmes, & les autres aussis

Mais ce sera apres que vous serez si auant engagez en leurs conseils, que vous ne pourrez plus vous en retirer & desuelopet, qu'à leur mercy & discretion. Si je pouvois vous representer par vne lettre les recors & presages sur cela du feu Roy, mondit leigneur, je les vous expoterors voloriers, tant l'apreher de pour vous, & les autres Frinces qui font pres de vous, & pour le public, les disgraces, & mal'heurs qui sont ineutrables en la poursu re du dessein auquel l'on vous a embarqué. Vous protestez, mon Nepuen de vouleir proceder en celle de la fusdite reformation, par moyens legitimes, & non pararmes: le veux croise vestre intention estre telle, mais pienez garde que l'on ne vous engage à pis faire,& sur tout à bastir vn party dedans le Royaume, qui sans la permission de l'authorité souuveraine ne peut eftre legitime, si faire cela, n'est faire la guerre ouuertement, C'est forcer le Roy de s'y opposer par toutes voyes. C'est sonner la trompette pour les perturbateurs du repos public, & introduire, & commencer vne espece de guerre, pire que celle des armes : & partant au lieu de bien faire à l'Estat, en aduencer la desolation. l'espere tant de la loyauté de ceste genereuse Nóblesse, qui a toussours exposé & respenduliberalement son sang, pour defendre la personne de son Roy, & son authorité souveraine, quelle perseuerera fidellement en ce deuoir, nonobitant les artifices,& desguisemens dont l'en vie pour la seduire. Le nourriray, & esleueray aussi mon fils en la recognoissance, & remuneration du merite & des seruices d'icelle, à limitation du feu Roy, son pere, lequel assisté de ladite Noblesse, coniointe à la faueur du Ciel, & secondée de sa propre vertu, a sauué le vaisseau de la France, du naufrage qu'is a coureu par l'entresuite des gueres ciuiles. Les villes re detesteront ny fuiront pas moins les autheurs des causes & partialitez qui engendreront semblal·les effects: Car ils ne peuuent estre si couverts en leurs desseins publics, ou privez, que les Citoyens & habitans desdites villes, soyent pour s'y laisser circonnenir. C'est pourquey je leur ay par aduance ordon-né de se bien garder & de ne donner entree en leursdites villes à personne puissante asses pour s'en emparer, & leur doner la loy. Car le Roy, mondit sieur & fils, & moy, ne pretendons

tendos pouruoir à leur seureté, que par l'entiere confience & asseurance que nous auons de leur loyauté. La charge que j'ay m'a obligé a vser de ceste precaution contre les mouuemens qui fretillent: Laquelle je m'asseure, mon Nepueu, que vous approuuerez, cas elle est facte non pour nuire à personne, mais pour garentir d'iniure & d'oppression, ceux ausquels je dois protection. Mais pourquoy me recommandez vous par vostredite lettre, le retour du Chevalier, de Vendosme, auprez du Roy, puis que c'est, che se ualier de Vendosme auprez du Roy, puis que c'est chose que vous sçauez que j'ay ordonnee il y a plusieurs mois, il n'a esté retardé que pour le rendre porteur de l'obedience, qu'il faut que le Roy rende à nostre S. Pere le Pape, & au sainct siege deue à cause de son aduenement à la Couronne? Pretendez vous quelque aduantage de son retour, & de sa presence aupres du Roy, ou si c'est par pure charité, & affection que vous saictes ceste instance? Vous sçauez que je sçay quels ont esté, & jusques où peuuent encores s'e-stendre les conseils & projects des principaux autheurs de nos diuisions, je ne m'expliqueray pas plus auant, il suffit que j'aye recogneu & esprouué la portee de leur conscience. Or, mon Nepueu pour finir & conclurre la presente, je vous representeray de nouueau, par forme de repetition, que pour veritablement faire cesser les desordres & excez, que vous pretendez auoir cours en ce Royaume, il faut faire tout le contraire de ce que vous faites. Premierement vous ne deuez vous tenir esloigné du Roy, ny de moy, come vous faites, ains nous fortifier au plustost de vostre afsistance, auec laquelle nous pouvons facillement pouruoir à toutes choses necessaires pour le bien de tous. Secondement, vous ne deuez authoriser de vostre nom, vne diuision entre les Princes, Seigneurs, & maisons Catholiques du Royaume, laquelle a esté indubitablement forgee par tels, qui peut estre n'esperét pas moins en profiter quelque jour à vostre propre dommage qu'au mien. Finalement, vous deuez vous abstenir de blasmer publiquement, come vous faites, le gouvernement des affaires, & les Officiers qui y feruent, mesmes deuant que de vous en estre addressé à moy en particulier: Mais chacun ne cognoit que trop clairement aussi, que vous vous addressez à moy plustost qu'à

eux. Pareillement vous ne deuiez permettre estre dressé des arties dedans l'Estat, y estre semé des schismes, diuisions, & detractions, le gouvernement descrié, que l'on se plaigne des graces que j'ay faictes, qui sot appellées main-tenant prodigalitez, par ceux qui en ont recueilly, & em-ployé le fruict à leur advantage, estre donné attainte à la paix publique, sagement & heureusement maintenuë depuis quatre ans, contre les diuers assauts & artifices employez pour la renuerser, exciter & émouuoir le Ciergé, & la Noblesse, auec les habitas des villes, & le peuple, mesmes, les compagnies souveraines, & tous les officiers à mescontentement: Vouloir exprez retarder les mariages contractez, pour aprez les renuerser auec la paix de la Chrestiente, apres auoir esté approuuez par vous, & en anoir vous mesmes figné les contracts, ny permettre aussi en estre donné jalousie aux subjects du Roy, & à nos voisins, & faire celer exprez à mesme sin le mariage qui se trai-&e en Angleterre : Bref, interpreter à mal tout ce qui a esté faict, & qui a neantmoins heureusemet succedé au bien, & aduantage des affaires du Roy, dedans & dehors le Royaume, despuis le trespas du feu Roy, mondit seigneur. Car faire toutes ces choses, & les accompagner encores de toutes sortes de practiques, enrollemens de gens de guer-re, & rechercher d'estrangers. Il faut que je vous die, auec la mesme liberté, que vous m'auez escrit, & addressé vostre dite lettre, & l'auez despuis semee. & respandue par tout, que ce n'est le droict chemin qu'il faut tenir, pour veritablement reformer l'Estat par moyens legitimes comme vous le protestez : Et demander encores, en suitte de cela, vne assemblee conditionnee de seureté. & liberté, c'est à dire, à la mode, & au goust de ceux qui vous donnent tels. conseils, qui, peut estre, ont dés à present pour but (souz pretexte de ceste pretendue seureté, & liberté,) d'en renuerser, & empescher dutout l'effect, comme je vous ay cy deuant dit, par où il semble que l'on n'ait autre vilée que desblouir les yeux d'vn chacun, par la proposition de ladite assemblee, pour faire croire que je l'apprehende auec ceux qui seruent le Roy auprez de moy, & neantmoins nous la desirons plus que tous, & espere que nous en pro-

fiterons aussi, pour le bien, & le seruice du Roy, & du Ro-yaume, plus que tous. Au moyen dequoy, mon Nepueu, si vous voulez que le Roy, & moy, & tous ses bons seruiteurs, & subjects, croyons que vous aspirez veritablement à la sussition, par bons & legitimes moyens, & eu intention de bien faire, Changez, je vous prie, vostre conduite & procedure, car indubitablement celle que vous auez choisie, auancera, & augmentera plustost la confusion, & les desordres, qu'elle ne les retranchera à la desolation generale du Royaume, & partant à vostre des aduantage, comme au nostre, & reuenez nous trouuer auec ceux qui sont conjoincts auec vous en ce poinct. Vous, & eux y serez receus auec honneur & confience, faisans cesfer par effect toutes sortes de menees & practiques qui ont cours par les Prouinces du Royaume, & au dehors. Que personne n'entre en doute des armes du Roy, car elles ieront employées à la dessence commune & indisserente de tous. Avançons en diligence, & attendons auec patience le succez de ladite assemblée generale des Estats du Ro-yaume, s'il y a du mal au maniement des affaires publiques & de l'excez de pouvoir en ceux qui les manient (jaçoit que je ne me sois apperceue qu'il en ayt esté abusé) j'y remedieray auec vous. Partant je vous convie dereches, & coiure par l'interest que vous auez au bié de ce Royaume, de vous rendre aupres du Roy au plustost & deuant que les maux (qu'engendre vostre esloignement, & le chemin que vous auez ouuert) prennent plus profonde racine, vous y trouuerez la place qui vous y est deuë, elle vous est reseruee entiere auec soin & assection, par le Roy, mondit Sieur & fils comme par moy. Il est graces à Dieu doué d'vn esprit & naturel plein de benignité & de vigueur. Il est nourry & esleué en la crainte de Dieu, & à discerner & recognoistre ceux qui l'affectionnent à la proportion de leurs qualitez, merites & seruices: Ie vous promets qu'il vous cherira comme son sang veut qu'il face, & je remedieray sacillement auec vous aux pretendues inegalitez & disseruices que vous dittes apparoiren ses deportemens: En sin je continueray à contribuer de mon costé les offices & enseignements qu'il dependent de mou, tant apparent les enseignemens qui dependent de moy, tant enuers luy,

i j

qu'ailleurs, pour vous donner tout sujet de vous louer de ma bien-veuillance. & à tous les autres de ma conduite en toutes choses. A tant je prie Dieu, mon Nepueu, qu'il vous ait en sa saincte & digne garde. Escrit à Paris, le vingt septiesme jour de Feburier, 1614.

Vostre plus-affectionnée Tame

MARIE.







•





